

## Jonah P Haftarah

I Kings 6:1 - 6:13

1:6 וַיְהִי בְשִׁמוֹנִים שָׁנָה וְאַרְבַּע מֵאוֹת שָׁנָה לְצֵאת

בְּנֵי-יִשְׂרָאֵל מֵאֶרֶץ-מִצְרַיִם בַּשָּׁנָה הַרְבִּיעִית בְּחֹדֶשׁ זֶה

הוּא הַחֹדֶשׁ הַשְּׁנִי לְמֶלֶךְ שְׁלֹמֹה עַל-יִשְׂרָאֵל וַיְבַן הַבַּיִת

לַיהוָה: 2 וְהַבַּיִת אֲשֶׁר בָּנָה הַמֶּלֶךְ שְׁלֹמֹה לַיהוָה

שְׁשִׁים-אַמָּה אָרְכוֹ וְעֶשְׂרִים רָחְבוֹ וּשְׁלֹשִׁים אַמָּה

קוֹמָתוֹ: 3 וְהָאוֹלָם עַל-פְּנֵי הַיֵּכָל הַבַּיִת עֶשְׂרִים אַמָּה

אָרְכוֹ עַל-פְּנֵי רֹחַב הַבַּיִת עֶשֶׂר בְּאַמָּה רָחְבוֹ עַל-פְּנֵי

הַבַּיִת: 4 וַיַּעַשׂ לַבַּיִת חֲלוֹנֵי שְׁקָפִים אֲטֹמִים: 5 וַיְבַן

עַל-קִיר הַבַּיִת יְצוּעַ [יִצְיַע] סָבִיב אֶת-קִירוֹת הַבַּיִת

סָבִיב לַהֵיכָל וּלְדָבִיר וַיַּעַשׂ צְלָעוֹת סָבִיב: 6 הַיְצוּעַ

[הַיִצְיַע] הַתַּחְתָּנָה חֲמִשׁ בְּאַמָּה רָחְבָּהּ וְהַתִּיכָנָה שֵׁשׁ

בְּאַמָּה רָחְבָּהּ וְהַשְּׁלִישִׁית שִׁבְעַת בְּאַמָּה רָחְבָּהּ כִּי

מִגְרָעוֹת נָתַן לַבַּיִת סָבִיב חוּצָה לְבֵלְתֵי אַחֲזַ

בְּקִירוֹת-הַבַּיִת: 7 וְהַבַּיִת בְּהַבְּנָתוֹ אֶבֶן-שְׁלֹמֹה מִסַּע

נִבְנָה וּמִקְבֹּת וְהַגְרָזִן כָּל-כְּלֵי בְרָזָל לֹא-נִשְׁמַע בַּבַּיִת

בְּהַבְנִיתוֹ: 8 פָּתַח הַצֵּלֶל הַתִּיכְנָה אֶל־כַּתֵּף הַבַּיִת הַיְמָנִית  
 וּבְלוּלִים יַעֲלוּ עַל־הַתִּיכְנָה וּמִן־הַתִּיכְנָה אֶל־הַשְּׁלֵשִׁים:  
 9 וַיִּבֶן אֶת־הַבַּיִת וַיְכַלֶּהוּ וַיִּסְפֹּן אֶת־הַבַּיִת גְּבִים וּשְׁדָרֹת  
 בְּאַרְזִים: 10 וַיִּבֶן אֶת־הַיְצוּעַ [הַיְצִיעַ] עַל־כָּל־הַבַּיִת חֲמִשָּׁה  
 אַמּוֹת קוֹמָתוֹ וַיֵּאָחֵז אֶת־הַבַּיִת בַּעֲצֵי אַרְזִים: 11 וַיְהִי  
 דְבַר־יְהוָה אֶל־שְׁלֹמֹה לֵאמֹר: 12 הַבַּיִת הַזֶּה אֲשֶׁר־אַתָּה  
 בִּנִיתָ אִם־תִּלְדָּךְ בַּחֲקֹתַי וְאֶת־מִשְׁפָּטַי תַּעֲשֶׂה וְשָׁמַרְתָּ  
 אֶת־כָּל־מִצְוֹתַי לִלְכֹת בָּהֶם וְהִקַּמְתִּי אֶת־דְּבָרִי אֲתָדָר  
 אֲשֶׁר דִּבַּרְתִּי אֶל־דָּוִד אָבִיךָ: 13 וְשָׁכַנְתִּי בְּתוֹךְ בְּנֵי  
 יִשְׂרָאֵל וְלֹא אֶעְזֹב אֶת־עַמִּי יִשְׂרָאֵל: